

kasadingsingan

malakuwittu ku cudetay a kasinawan, u mukilulay a tayni sa
 kasadingsingantu, u kasadingsingan sa u kanamuhan nu tademaw a demiad,
 melimelit dihkuway a cilal, sakakaydihan aca muwacay tu kibetulay zikuc,
 mahiza misasiansian kaahemaw, mahiza macunusay pisatahaway nu uzip.

iniwtu ku dihkuay a palaludan, iniw ku dihkuay a demiad, i tapuku
 cebacebal sa ku nikaisid nu salengacay a ladem , i macebal amin ku balu,
 manutek ku cebal yadah ku kulit nu balu, u balu mahiza masasetsetay tu
 salungan a zikuc, masabelengay a wadu, kasadingsingan itizatu
 masaupuway mubahel, kasadingsingan tu sananal, u takulawlaw, u ciluciluk,
 u padaicaw cicicit sa i pabaw nu ciid patahekal tu malacingay a dadiw,
 malecabi' apakatukuh tu nikatayni nu kasadingsingan, u palabinay tu sinaw
 a aadupen tahekal twamab mulatlat, u kapulus manamuh i kilakilangan
 malalaba' midang, mahiza twaca u salunganay a ziwga.

ubihid nu cilal sumanahtu, langdaw satu ku buyu', u adidi'ay a lutuk
 namakalala' tahkal militemuh tu apalaludan, i pabaw nu kilang yadah ku
 tahkalay nu ciid, malecad tu paliwnay tu zikuc ku kilang, langdaw satu amin
 ku umaumahan. mamimaudad, tahkal i tapuku ku tukal niwahay pitu ku
 kulit. pacuungaan ku hekal macunus ku salungan, yadah ku kaciw i nanum,

siansian ku taduk midanguy, i aidangan sanisani makazih tu luma'
 malaluwaluwah, manamuh maladay mulatlat muculil, mangaleb ku adiwawa
 sakapukaput samidang malalaba', tacuwacu:wa matumes nu tawa atu
 limulak, u nipaya nu kasadingsingan titaan tu limulak atu ngalal, ngay itinitu
 ku kasadingsingan i tadetademawan caay piliyas.

i niyazu' nu maku, amaluk tu. u zuma kasangelac nu i pabaway a
 ladem, u zuma kalandaw nu i zazanay a lutuk, asu' tengilen ku suni' nu i
 kilangay a ayam, pacukaten ku mabiyay henay nu bukebukelalan. u lala' nu
 di'tu bihbihan ku lima, macukattu ku balu lutuk atu ayam. a maluk tu kami!
 u satenekay nu mihcaan i kasadingsingan, kasadingsingan u saayway a
 puu' nu mihcaan, mahiza u sakalingatu, kyu, mangaleb ku nipsisakaph
 mitadimecmec tuyniyan a puu' tadasatahaw a tuki, anu teken aku sakay
 tademaw tatuzuan a sapinanam, pasaynin i tatuzu'an ku nisaicelang, amana
 kapaceba' sa hina lawpes tu demiad, " kapahay a nikalingatu " sananay
 " malatusatu ku pahezek " anu mahiza sa asipayza aku i kasadingsingan a
 talaayaw!

春天

寒冷的冬天過後，溫暖的春天緊接而來，宜人的氣候，燦爛溫暖的陽光，讓人感覺好輕鬆自在，生命更有活力。

春天，漸漸暖和，天空飄著白雲，花朵盛開，綻放著許多花，相互比美。成群蜜蜂、蝴蝶在花叢間飛著，黃鶯、麻雀、小燕子在枝頭上展現著清脆的歌喉，冬眠的動物開始活動，松鼠們在樹枝間追逐，形成美麗的畫面。

春天，太陽的臉紅起來，山變得青綠，小草從土裡鑽出來，樹上也長出新芽。

雨後，天空出現彩虹，池塘有許多鵝、鴨悠閒游泳，公園裡有許多小朋友在玩遊戲，充滿歡笑，帶給我們快樂和希望。天上的雲朵很白，草兒翠綠，樹上的鳥兒好聽的叫聲喚醒大地，土地之神手一揮，大家都醒了，部落就要春耕了！

一年之計在於春，「春」是每年的第一個季節，象徵著開始、活力和希望的時刻，所謂「好的開始，就是成功的一半」，就從這春暖花開的春天做起！